

371
2-61

ՀԱՅԿԱԿԱՆ ԽՍՀ ԼԺԿ-Ի ՈՒՍՈՒՑԻՉՆԵՐԻ ԿԱՏԱՐԵԼԱԳՈՐԾՄԱՆ
ԳԻՏԱԿԱՆ-ՄԱՆԿԱԿԱՐԺԱԿԱՆ ԻՆՍՏԻՏՈՒՏ

Հեռակա կոմսուլտացիա սկսեցի ուսուցչին

1w 9w 321
1 6.2 2-61

ОБЯЗАТЕЛЬНЫЙ
ЭКЗЕМПЛЯР

ԵՔՍԿՈՒՐՍԻԱՆԵՐԻ ԿԱԶՄԱԿԵՐՊՈՒՄԸ
ՅԵՐՐՈՐԴ-ԶՈՐՐՈՐԴ ԴԱՍԱՐԱՆՆԵՐՈՒՄ

9/14 1940

371
2-61

ՀԱՐՍՀՐԱՏ

БИБЛИОТЕКА
Академії Наук
УРСР

Ս. ԶԵՉԱԿԵԱՆ

ԵՐԵՎԱՆԻ ՄԱՐԶԻ ԿԱԶՄԱԿԵՐՊՈՒՄԸ ՅԵՐՐՈՐԴ-ՉՈՐՐՈՐԴ ԴԱՍԱՐԱՆՆԵՐՈՒՄ

Դասավանդման մեթոդներից մեկը համարվում է եքսկուրսիան: Եքսկուրսիայի ընթացքում յերեխաները ծանոթանում են բնությանը՝ կենդանական և բուսական աշխարհի բազմաթիվ ձևերին ու տեսակներին, վոր դպրոցական պայմաններում հնարավոր չէ ուսուցնասիրել: Բնական յերեւոյթների ամբողջականութիւնը հնարավոր չէ լրիվ չափով տալ վոչ գրքով, վոչ էլ նկարագրութիւններով: Այն պետք է դիտել իր բնական միջավայրում—միասնութիւն մեջ:

Բնագիտական եքսկուրսիաներ պետք է կազմակերպել դեպի խորհրդային տնտեսութիւնները, կոլեկտիվ տնտեսութիւնները, սեւեկցիոն կայանները, գաժառագիտական թանգարանները: Այդ հնարավորութիւն կտա աշակերտներին մոտիկից ծանոթանալու սոցիալիստական գյուղատնտեսութիւն նվաճումներին:

Եքսկուրսիաներ կատարելով դեպի այգի, անտառ, պուրակ, բանջարանոց՝ հնարավոր կլինի հիմնական գծերով նկարագրել այն փոփոխութիւնները, վորոնք աշան, ձմաւն, գարնան ընթացքում կատարվում են բնութիւն մեջ՝ թռչունների, կենդանիների կյանքում, բուսական աշխարհում, կլիմայի մեջ և այլն: Եքսկուրսիաների միջոցով պետք է ուսուցնասիրել մի շարք ջրային կենդանիներ և բույսեր, ծանոթ լինել նրանց կազմութիւնը և ջրային կյանքին հարմարվելուն:

Եքսկուրսիաների ընթացքում աշակերտները պետք է հավաքեն ու կազմեն կոլեկցիաներ, հերբարիումներ, (տերեֆներ, սերմերի, միջատների, ծառերի ճյուղերի կտրվածքների և այլն): Դեպի արտադրութիւն (հանածոների մշակման վայրը) կատարած եքսկուրսիաների ընթացքում պետք է հավաքեն հողի, ապաւների, գրանիտի, կավի, ավազի, կրաքարի, կրի, կավձի, ցեմենտի, վառելանյութերի և մետաղների կոլեկցիաներ:

Աշակերտներն եքսկուրսիաների միջոցով պետք է ծանոթանան մակերեսային և ստորերկրյա ջրերին, ջրի շրջանառութիւնը բնութիւն մեջ, ջրի քայքայիչ դերին և նրա դեմ պայ-

քարելու միջոցներին, ջրի ուժի ոգտագործմանը մարդոչ կողմից և այլն:

Տարրական դպրոցում եքսկուրսիաների տեւողութիւնը մեկ ժամից ավել չպետք է լինի, յերկարատե եքսկուրսիան աշակերտների մեջ ձանձրոյթ կառաջացնի. և իր նպատակին չի հասնի:

Եքսկուրսիաները կարող են լինել յերեք տեսակ.

1. Եքսկուրսիա դեպի բնութիւն.

2. Եքսկուրսիա դեպի արտադրութիւն.

3. Եքսկուրսիա դեպի թանգարան, ցուցահանդես:

1. Բնութիւն մեջ կատարվող եքսկուրսիաներով կարելի յե աշակերտներին ծանոթացնել բույսերին և կենդանիներին իրենց բնական միջավայրում: Աշակերտները կտեսնեն, թե տվյալ բույսը կամ կենդանին ինչ պայմաններում և ապրում, ինչ փոխհարաբերութիւն մեջ է շրջապատի բնութիւն հետ: Այսպես, որինակ՝ ձկան կազմութիւնը ծանոթանալը կարելի յե դասարանական պայմաններում, բայց ապրելակերպը պետք է դիտել միայն բնական պայմաններում—ջրում: Կամ մի այլ որինակ. ուսումնասիրվում է սերմի կազմութիւնը, այդ պետք է դիտել դասարանում, իսկ տեսնել, թե ինչպես սերմերը տարածվում են դաշտում, կարելի յե միայն եքսկուրսիաների միջոցով:

Կրաքարի կտորը և նրա բոլոր հատկութիւններն ուսումնասիրվում են լաբորատոր պայմաններում, բայց ավելի հիմնական հասկացողութիւն կրաքարի մասին վարպետ լեռնային տեսակի, յերեխաները լավ են ըմբռնում, յերբ եքսկուրսիաների ժամանակ դիտում են կրաքարի շերտերը:

Այս որինակները ցույց են տալիս, թե ինչպիսի խոշոր նշանակութիւն ունի եքսկուրսիան դեպի բնութիւնը: Սակայն չպետք է եքսկուրսիան վերածել բացոթյա դասի և դրսում ուսուցնասիրել այն որեկտները, վորը դասարանում ավելի լավ և հիմնավոր կարելի յե անցնել:

Մեծ կրթական նշանակութիւն ունի եքսկուրսիաները դեպի արտադրութիւնը—գյուղատնտեսական հիմնարկները, խորհրդային և կոլեկտիվ տնտեսութիւնների դաշտերը, բանջարանոցները: Այդտեղ աշակերտները ծանոթանում են խոշոր ձեռնարկումներին և պատկերացում են ունենում, թե ինչպես մարդը դիտութիւն ոգնութիւն մը վերափոխում է բուսական և կենդանա-

կան աշխարհը: Նման դիտողություններ հնարավոր չեն տանել դասարանական պայմաններում:

Եքսկուրսիան վարելիս ուսուցիչը պետք է խուսափի հետևյալ թերություններից՝

1. Եքսկուրսիան չպետք է վերածել բացօթյա դասախոսության, պատմելով այնպիսի բաների մասին, վորոնք չկան շրջապատում կամ իրենց պլանում: Այլապես անուշադրություն են մատնվում այն որդեկաները, վորոնց համար կազմակերպվել է եքսկուրսիան: Ուսուցչի պատմածը պետք է լինի կարճ և կապված եքսկուրսիայի որդեկության հետ:

2. Ուսուցիչը չպետք է բավարարվի առարկան ցույց տալով և նրա մասին պատմելով, այլ անհրաժեշտ է աշակերտներին զբոսացնել մասնակից դարձնել և հանձնարարել կոնկրետ կերպով այս կամ այն աշխատանքները կատարելու:

3. Աշակերտի տված՝ թեմային չվերաբերվող հարցերին պատասխանելով՝ ուսուցիչը չեղվում է նպատակից, ուստի պետք է դրանից խուսափել: Եքսկուրսիայի ընթացքում աշակերտներին պետք է սովորեցնել անհրաժեշտ նյութեր հավաքել և բերել դրանց՝ մշակելու համար:

ԵՔՍԿՈՒՐՍԻՈՆ ՄԵԹՈԴՆ ՈՒՆԻ ՀԵՏԵՎՅԱԼ ՄՈՄԵՆՏՆԵՐԸ

1. Նախապատրաստություն.
2. Եքսկուրսիա.
3. Եքսկուրսիայի ամփոփում.

1. ՆԱԽԱՊԱՏՐԱՍՏՈՒԹՅՈՒՆ

ա) Ուսուցչի նախապատրաստական աշխատանքը.— այս մոմենտը կարևորագույն պայման է եքսկուրսիան ճիշտ կազմակերպելու համար, ուստի եքսկուրսիայի պլանը կազմելիս դասատուն պարտավոր է նախորոք ծանոթանալ այն որդեկանին, վորտեղ պետք է կատարվի եքսկուրսիան: Յեթե եքսկուրսիայի տեղը բնութային է, որինակ՝ հողի շերտերի ուսումնասիրությունը,— այդ դեպքում դասատուն պետք է նախորոք ծանոթանա այն վայրին, վորտեղ կատարվելու է եքսկուրսիան, հատուկ ուշադրություն դարձնել նրա գեոլոգիական կողմի վրա, վորպեսզի եքսկուրսիայի ժամանակ հարկ չլինի առանձին վորոնումներ կատարելու: Պլանում պետք է նշել եքսկուրսիայի նպատակը և այն հարցերը, վորի վրա պետք է աշակերտների ուշադրությունը

հրավիրվի՝ հատուկ տեղ տալով եքսկուրսիայի սարքավորմանը:

բ) Դասարանի նախապատրաստվող եֆսկուրսիային.— նախքան եքսկուրսիա գնալը՝ դասատուն դասարանում զրույցի միջոցով աշակերտներին ծանոթացնում է եքսկուրսիայի նպատակի մասին, վորպեսզի եքսկուրսիայի վայրում աշակերտներն արագ կողմնորոշվեն, նաև այն մասին, թե ինչպես հավաքել նյութեր և կազմել կոնկրետներ: Դասատուն աշակերտներին հաղորդում է նաև, թե ինչ եքսկուրսիոն հարմարություններ պետք է ունենան—մատիտ, տետր, թուղթ, թղթից կամ կտորից պատրաստած պարկեր, բահ, դույլ և այլն (նայած եքսկուրսիայի պահանջին):

2. ԵՔՍԿՈՒՐՍԻԱ

Եքսկուրսիայի ղեկավարման մեթոդական ձևերը կարող են լինել տարբեր: Յած դասարաններում սովորաբար դասատուն զրույցի միջոցով բացատրում է կատարվելիք աշխատանքների մասին՝ խուսափելով ձգձգվող բացատրություններից և ձգտելով առաջին պլանի վրա դնել յերեխաների աշխատանքները: Ժամանակ առ ժամանակ դասատուն յերեխաներին տալիս է կարճ առաջադրանքներ այս կամ այն հարցի վերաբերյալ: Դասատուն հետևում է, վոր աշակերտներն եքսկուրսիայի ընթացքում հավաքեն միայն այն նյութերը, վորոնք նախորոք հանձնարարված են, միաժամանակ նշելով հավաքած նյութերի անունը և տեսակը: Այդ աշխատանքներն ավարտելուց հետո դասատուն կազմակերպում է ընդհանրացնող կարճ զրույց, վորի նպատակն է պարզել՝ արդյոք եքսկուրսիան հասն էր նպատակին, թե վոչ, դրա համար առաջադրվում են մի շարք նախորոք մշակված հարցեր:

3. ԵՔՍԿՈՒՐՍԻԱՅԻ ԱՄՓՈՓՈՒՄԸ

Եքսկուրսիայից հետո, հետևյալ դասին, դասատուն զրույցի միջոցով ամփոփում է եքսկուրսիայի արդյունքներն այն մասին, թե ինչ տեսան է իմացան եքսկուրսիայի ընթացքում, ցուցադրում է հավաքած նյութերը և առանձին-առանձին թվում նրանց անունները: Այնուհետև դասատույի ղեկավարությամբ աշակերտները կարգի յեն բերում եքսկուրսիայի ժամանակ հավաքած նյութերը, փակցնում են նրանց վրա ետիկետներ: Ներկառկան աշխատանքին ավելի ընդունակ աշակերտները նկարներ են նկարում եքսկուրսիայի նյութերի վերաբերյալ: Հետաքրքրելի աշխատանք է ներկայացնում նաև մակերեսների և կոնկրետների պատրաստումը:



1500

Ուղղում.—5-րդ եջի նախալերջին տողում «մակերեսների» բառը կար-
դալ «մակեռաների»:



Խմբագիր՝ Ս. ՄՈՎՍԻՍՅԱՆ

Սրբագրելի՝ Վ. ՊՈՂՈՍՅԱՆ

Գլավիտի լիագոր՝ Բ—1100, հրատ. № 8

Պատվեր № 27, տիրաժ 1000

Լուսհրատի տպարան.

Յերեան, Տեղյան № 127

Հարց